

ხელშეკრულება
სახელმწიფო შესყიდვების შესახებ №06-38

03 ნოემბერი 2021 წელი

შემსყიდველი: სსიპ ქალაქ თბილისის N 30 საჯარო სკოლა, წარმოდგენილი სკოლის დირექტორის მოვალეობის შემსრულებელი შორენა დათიაშვილის სახით;
მისამართი: კიევის ქუჩა N4;
საიდენტიფიკაციო კოდი: 202887643;
საბანკო რეკვიზიტები: სს „თი ბი სი ბანკი“, კოდი:TBGBGE22, ა/ა: GE70 TB71 3513 6020 1000 04

მიმწოდებელი: შპს „ზუდა“, წარმოდგენილი მისი დირექტორის გიორგი მინაშვილის სახით;
იურიდიული მისამართი: გლდანი IIმკ/რ კ26 ბ62
საიდენტიფიკაციო კოდი: 400191243;
საბანკო რეკვიზიტები: სს „თი ბი სი ბანკი“, კოდი:TBCBGE22, ა/ა:GE84TB7446836080100007.

ერთის მხრივ - შემსყიდველი და მეორეს მხრივ - მიმწოდებელი, **NAT210019525** ელექტრონული ტენდერი აუქციონის გარეშე (NAT) შედეგად დებენ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

წინამდებარე ხელშეკრულების საგანს წარმოადგენს, სსიპ ქალაქ თბილისის N 30 საჯარო სკოლის შენობის სარემონტო სამუშაოების შესყიდვა, დეტალური ინფორმაცია მოცემულია დანართი №1-ში (CPV:45400000 - შენობის დასრულების სამუშაოები).

მუხლი 3. ხელშეკრულების ღირებულება

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. ხელშეკრულების საერთო ღირებულება შეადგენს **15 860.00** (თხუთმეტი ათას რვაას სამოცი) ლარს დღგ-ს ჩათვლით.
- 3.3. დაფინანსება განხორციელდება სსიპ ქალაქ თბილისის N 30 საჯარო სკოლის სახელმწიფო ბიუჯეტის ფარგლებში;
- 3.5. ხელშეკრულებით გათვალისწინებული გასაწევი მომსახურების ერთეულის ფასები და რაოდენობა მოცემულია ხელშეკრულების დანართი №1-ში.

მუხლი 4. შესასყიდი ობიექტის ხარისხი

მიმწოდებელი პასუხისმგებლობას კისრულობს, რომ გაწეული მომსახურება შეესაბამება ხელშეკრულებით გათვალისწინებულ ყველა მოთხოვნას;

მუხლი 5. გასაწევი მომსახურების ვადა

მომსახურება განხორციელდება ხელშეკრულების გაფორმებიდან მაქსიმუმ 40 (ორმოცი) კალენდარულ დღეში, არაუგვიანეს 2021 წლის 13 დეკემბრის ჩათვლით.

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტ(ებ)ის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2. შესყიდვის ობიექტის მიღება-ჩაბარება გაფორმდება ერთიანად, ფაქტიურად გაწეული მომსახურების შესაბამისად, ეროვნულ ვალუტაში, საბოლოო მიღება ჩაბარების აქტის საფუძველზე;

6.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.4. შემსყიდველის მხრიდან მიღება-ჩაბარების აქტის ხელმოწერის უფლება ენიჭება სსიპ ქალაქ თბილისის N 30 საჯარო სკოლის დირექტორის მოვალეობის შემსრულებელს შორენა დათიაშვილს. მიღება-ჩაბარების აქტის გაფორმების საფუძველია ხელშეკრულების 7.2 პუნქტით გათვალისწინებული მიმწოდებლის მიერ წარმოდგენილი ფაქტიურად შესრულებული სამუშაოების მოცულობის დამადასტურებელი დოკუმენტი და ხელშეკრულებით გათვალისწინებული ინსპექტირების განმახორციელებელი პირის დასკვნა.

მუხლი 7. ანგარიშსწორება

7.1 ანგარიშსწორება განხორციელდება ერთიანად/ეტაპობრივად (ეტაპობრივად ანგარიშსწორების შემთხვევაში განიხილება მხოლოდ 2 ეტაპად გადახდა) მხარეთა შორის მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში, ფაქტიურად შესრულებული სამუშაოების მოცულობის დამადასტურებელი დოკუმენტის საფუძველზე.

7.2 მიმწოდებელი ვალდებულია მიღება-ჩაბარების აქტის გაფორმებამდე, სამუშაოების შესრულება დაადასტუროს, ტენდერით გათვალისწინებულ მოთხოვნებთან შესაბამისობაში დოკუმენტით, კერძოდ: – ფაქტიურად შესრულებული სამუშაოების მოცულობის დამადასტურებელი დოკუმენტი გაცემული უნდა იყოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ, ან/და სხვა აკრედიტირებული პირის ან/და აუდიტის მიერ გაცემული შესაბამისი დასკვნით (დასკვნასთან ერთად წარმოდგენილ უნდა იქნას დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი).

7.3 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.4 საავანსო გადახდა არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;

8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 ხარისხიანად და კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 საკუთარი ხარჯებით გამოასწოროს გამოვლენილი ნაკლი;

8.3.5 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 „მიმწოდებელს“ უფლება აქვს:

8.4.1 წარუდგინოს შემსყიდველს ფიზიკურად გაწეულ მომსახურებასთან დაკავშირებული სრული დოკუმენტაცია;

8.4.2 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი ვადაგადაცილებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულები-საგან.

მუხლი 10. ხელშეკრულების ინსპექტირების პირობები

10.1. „შემსყიდველის“ წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;

10.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის აღმოფხვრა;

10.3. ხელშეკრულებით განსაზღვრული პირობების კონტროლს განახორციელებს სსიპ ქალაქ თბილისის N 30 საჯარო სკოლის მატერიალურ-ტექნიკური უზრუნველყოფის კოორდინატორი **თამარ ქორქია**, რომელიც დაწერს დასკვნას ხელშეკრულების პირობებთან შესყიდვის საგნის შესაბამისობის შესახებ, დასკვნის საფუძველია ხელშეკრულების 7.2 პუნქტით გათვალისწინებული მიმწოდებლის მიერ წარმოდგენილი ფაქტიურად შესრულებული სამუშაოების მოცულობის დამადასტურებელი დოკუმენტი.

მუხლი 11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2022 წლის 31 იანვრის ჩათვლით.

მუხლი 15. დავები და მათი გადაწყვეტის წესი

15.1 მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. გარანტია

მიმწოდებელი პასუხისმგებლობას კისრულობს, რომ შესრულებულ სამუშაოებზე საგარანტიო ვადა განისაზღვრება საბოლოო მიღება-ჩაბარების აქტის გაფორმებიდან 2 (ორი) წლის განმავლობაში. მიმწოდებელი ვალდებულია საკუთარი ხარჯებით უზრუნველყოს ექსპლოატაციის პროცესში წარმოქმნილი ხარვეზების აღმოფხვრა.

მუხლი 17. სხვა პირობები

17.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

17.3 მესამე პირთან პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

17.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

17.5 წინამდებარე ხელშეკრულება არ შეიცავს არანაირ სიტყვიერ დამატებას;

17.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

17.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

17.8 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

17.9 ხელშეკრულება შედგენილია ელექტრონულად ქართულ ენაზე, მხარეების მიერ გამოყენებულია ელექტრონული ხელისმოწერა ან შტამპი;

17.10 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 18. მხარეთა ხელმოწერები

შემსყიდველი:

სსიპ ქალაქ თბილისის N 30 საჯარო სკოლა

მიმწოდებელი:

შპს „ზუდა“

შორენა დათიაშვილი
დირექტორი

გიორგი მინაშვილი
დირექტორი

ქ. თბილისის №30 საჯარო სკოლის სარემონტო სამუშაოები
ხარჯთაღრიცხვა

№		სამუშაოს დასახელება	განზ. ერთ.		რაოდენობა	მასალები		ხელ, (ლ)		მანქანებზე (ლ)		სულ
						ერთ/ც	ჯამი	ერთ/ც	ჯამი	ერთ/ც	ჯამი	
1		2	3		4	5	6	7	8	9	10	11
		I. სამშენებლო-სარემონტო სამუშაოები										
		სადემონტაჟო სამუშაოები										
4	46-15-2	კედლებიდან და ჭერიდან ძველი ნაღისის მოხსნა	მ2		370.00							
		შრომითი რესურსი	კაც/სთ	0.09	33.30			4.20	139.86			139.86
6	საბაზრო	არსებული განათებების , ჩამოთვლების და როზეტების დემონტაჟი	წერტ.		35.00							
		შრომითი რესურსი	წერტ.	1	35.00			4.20	147.00			147.00
10	რ 14-801	კედლებიდან და ჭერიდან საღებავის მოხსნა	მ2		370.00							
		შრომითი რესურსი	კაც/სთ	0.16	59.20			4.20	248.64			248.64
11	საბაზრო	არსებული რადიატორების დემონტაჟი და მონტაჟი	ცალი		15.00							
		შრომითი რესურსი	ცალი	1	15.00			5.00	75.00			75.00
12	რ21-87	შენობის გასუფთავება სამშენებლო ნაგვისაგან	ტ		40.00							
		შრომითი რესურსი	კაც/სთ	1.85	74.00			5.00	370.00			370.00
13		სამშენებლო ნაგვის დატვირთვა ხელით ავტოთვიმცდელზე	ტ		40.00							
		შრომითი რესურსი	კაც/სთ	0.53	21.20			5.00	106.00			106.00
14		სამშენებლო ნაგვის გატანა 18 კმ-ზე	ტ		40.00					9.00	360.00	360.00
15		სარემონტო სამუშაოები										
17	15-55-9	კედლების ლესვა ქვიშა ცემენტის ხსნარით	მ2		69.00							
		შრომითი რესურსი	კაც/სთ	1.06	73.14			5.46	399.34			399.34
	სრფ.	ხსნარის ტუმბო 3 მ3/სთ	მ/სთ	0.041	2.83					9.20	26.03	26.03
		სხვა მანქანები	ლ	0.027	1.86					4.00	7.45	7.45
	4.1.382	ქვიშა-ცემენტის ხსნარი	მ3	0.0026	0.18	98.00	17.58					17.58
		სხვა მასალა	ლ	0.003	0.21	4.00	0.83					0.83
21	15-53-3	ჭერზე სართულშუა გადახურვის ფილებს შორის ღარების ამოღესვა	კრძ.მ		243.00							
		შრომითი რესურსი	კაც/სთ	0.46	111.78			5.46	610.32			610.32
		სხვა მანქანები	ლ	0.011	2.67					4.00	10.69	10.69
	4.1.382	ქვიშა-ცემენტის ხსნარი	მ3	0.004	0.97	98.00	95.26					95.26
		სხვა მასალა	ლ	0.0005	0.12	4.00	0.49					0.49
22	საბაზრო	მდფ-ის კარის დემონტაჟი-მონტაჟი	მ2		12.75							
		შრომითი რესურსი	მ2	1	12.75			5.00	63.75			63.75
	აქ-72	მდფ-ის კარი	მ2	1	12.75	145.00	1848.75		0.00			1848.75
23	45-20-2	კედლებზე ღარების ამოღება სადენებისთვის	კრძ.მ		265.00							
		შრომითი რესურსი	კაც/სთ	0.242	64.13			4.20	269.35			269.35
24	15-168-7	კედლების დამუშავება ფითხით და შეღებვა წყალემულსიური საღებავით ორჯერ (ფერი შეთანხმდეს დამკვეთთან)	მ2		370.00							
		შრომითი რესურსი	კაც/სთ	0.658	243.46			5.46	1329.29			1329.29
		სხვა მანქანები	ლ	0.01	3.70					4.00	14.80	14.80
	4.2.71	ფითხი	კგ	0.79	292.30	0.65	190.00					190.00
	4.2.43	წყალემულსიური საღებავი	კგ	0.63	233.10	5.60	1305.36					1305.36
		სხვა მასალა	ლ	0.016	5.92	4.00	23.68					23.68
26	15-66-5	კედლების შეღესვა გაჯით	მ2		230.00							
		შრომითი რესურსი	კაც/სთ	0.777	178.71			5.46	975.76			975.76
		სხვა მანქანები	ლ	0.0383	8.81					4.00	35.24	35.24
		გაჯი	ტ	0.0333	7.66	80.50	616.55					616.55
		სხვა მასალა	ლ	0.003	0.69	4.00	2.76					2.76
27	34-59-7, 34-61-15	ამსტრონგის ჭერის მოწყობა კომპლექტში	მ2		25.00							
		შრომითი რესურსი	მ2	1	25.00			4.20	105.00			105.00
		სხვა მანქანები	ლ	0.045	1.13					4.00	4.50	4.50
	10.4.2	ამსტრონგის ფილები ლითონის კარკასით	მ2	1.03	25.75	19.50	502.13					502.13
		სხვა მასალა	ლ	0.552	13.80	4.00	55.20					55.20
29	B3EP 5-7	პარკეტის იატაკის მოხეხვა	მ2		148.00							
		შრომითი რესურსი	კაც/სთ	0.364	53.87			5.00	269.36			269.36

		ჯ ა მ ი					4658.57		№№№		458.71	10225.94
		ზედნადები ხარჯები (არაუმეტეს 10%)		2%								204.52
		ჯ ა მ ი										10430.46
		გეგმიური მოგება (არაუმეტეს 8%)		2%								208.61
		ჯამი თავი I										10639.07
		II. ელექტრო სამონტაჟო სამუშაოები										
1	8-599-2	ლედ სანათი „ამსტრონგის“ ჭერის მონტაჟით	ცალი	17.00								
		შრომითი რესურსი	კ/სთ	1.54	26.18			5.00	130.90			130.90
		სხვა მანქანები	ლ	0.29	4.93					4.00	19.72	19.72
	8.14.193	ლედ სანათი	ცალი	1	17.00	50.80	863.60					863.60
		სხვა მასალა	ლ	0.58	9.86	4.00	39.44					39.44
2	8-591-8	ჩამრთველი როზეტების მონტაჟი	ც	4.00								
		შრომითი რესურსი	კ/სთ	0.34	1.36			5.00	6.80			6.80
		სხვა მანქანები	ლ	0.013	0.05					4.00	0.21	0.21
	8.14.232	როზეტი	ცალი	1	4.00	7.70	30.80					30.80
		სხვა მასალა	ლ	0.094	0.38	6.64	2.50					2.50
3	8-402-2	ელექტრო კაბელის მონტაჟი 2,5*2	გრძ/მ	380.00								
		შრომითი რესურსი	კ/სთ	0.13	49.40			4.20	207.48			207.48
		სხვა მანქანები	ლ	0.0371	14.10					4.00	56.39	56.39
	8.3.115	კაბელი 2,5*2	ცალი	1	380.00	1.70	646.00					646.00
		სხვა მასალა	ლ	0.0144	5.47	4.00	21.89				0.00	21.89
		ჯ ა მ ი					1604.22		345.18		76.32	2025.72
		ზედნადები ხარჯები ხელფასიდან (არაუმეტეს 75 %)	25%									86.30
		ჯამი										2112.02
		მოგება (არაუმეტეს 8%)	2%									42.24
		ჯამი თავი II										2154.26
		ჯამი თავი I+II										12793.33
		გაუთვალისწინებელი ხარჯები	3%									383.80
		ჯ ა მ ი										13177.13
		დ.ღ.გ.	18%									2371.88
		ჯამი										15549.02
		ექსპერტიზის ღირებულება	2.00%									310.98
		სულ ჯამი										15860.00

შემსყიდველი:
 სსიპ ქალაქ თბილისის N 30 საჯარო სკოლა

შორენა დათიაშვილი
 დირექტორი

მიმწოდებელი:
 შპს „ზუდა“

გიორგი მინაშვილი
 დირექტორი